



PANTAU
...penguat kuasa Perhilitan memeriksa lokasi untuk mengesan kelibat haiwan buas.

Pasang perangkap jerat haiwan buas

KLUANG: Jabatan Perlin-dungan Hidupan Liar dan Taman Negara (Perhilitan) Negeri Johor akan memasang perangkap bagi menjerat haiwan buas dipercayai berkeliaran di Ladang Sawit Batu 54, Jalan Machap-Johor, Simpang Renggam di sini, hingga mengakibatkan kematian pengembala lembu, Mahadi Sadri, 30, pada 22 Mei lalu.

Jurucakap Perhilitan berkata, sekiranya hasil siasatan mendapati kesan tapak

kaki ditemui di lokasi kejadian disahkan milik haiwan buas, pemasangan perangkap di sana akan dilakukan segera.

“Kami masih membuat siasatan dan kajian bagi menentukan jejak berkenaan kerana beberapa jejak haiwan termasuk anjing turut ditemui di sekitar lokasi kejadian.

“Sehingga kini, kami juga belum dapat memastikan jejak jenis yang dilaporkan sebesar tapak tangan manusia ditemui di sekitar lo-

kasi terbabit,” katanya, di sini, semalam.

Terdahulu, 30 anggota polis, Perhilitan, Jabatan Veterinar Negeri Hohor (JV) dan Bahagian Penguat Kuasa Majlis Daerah Simpang Renggam (MDSR) turut hadir di lokasi kejadian dalam operasi menangkap anjing liar.

Operasi kira-kira dua jam itu dilakukan di sekitar kawasan kejadian dan pemeriksaan turut dilakukan bagi mengesan jejak baru haiwan buas.